

“Primmaveia a Santo Zêuggio”

Ripensando a e primmaveie
che v’ei lasciòu de cò
no scordaeve mai de quelle
quande andâvi a fâ demò
in te ‘n pàise sciú in collinn-a.

Gh’arrivâvi tutt’a pê
sciù pe creuse, pe i sentê
respiando äia finn-a.

Arrivae lasciú in çimma
o páiva un quadrettin:
a gexetta, o campanin
in mèzo a-o verde
e pe sfondo o çe tûrchin.

Ghe trovâvi de östaie
con di gotti de vin bon
a partia a-e bocce e a-e carte
no ve-a lasciavi mai scappa
e se pòi gh’avèivi a figgia

ve-a portâvi un pò a ballâ.

Santo Zêuggio o l’è sto pàise
oua un pò cangiòu,
stradde larghe, tante case
quante verde han levòu !

Ma ... tornaeghe in primmaveia
di amixi ghe ne trovièi
e foscia ancon ciù tanti,
e östaie son moderni ristoranti
e ghe porrièi ancon ballâ:
ma ... se ve piggia un pò o magon
ricordando o vègio pàise
ammiaeve un pò o ciassâ:

o pâ sempre un quadrettin !
... A gexetta a ghe restâ
co-o seu bello campanin
... e pe sfondo o çe tûrchin.

Anna di Sant’Eusebio

Io, Anna di S.Eusebio, scrittrice dilettante di poesie in dialetto genovese, ringrazio l’associazione “Il Leccio” per avere scelto una delle mie poesie da inserire sul sito (Scopriamo un Talento) .. per non dimenticare un quartiere animato da umili protagonisti di un mondo che scandiva con tradizioni secolari il trascorrere del tempo!